

Item tos lez pras que sont du moly d'Aly jusque a l'etax de Charnay sont do servien do convent d'Aly, et tos bans et emendas, se point ne vint, exseto lo pra a monseign[eu]r de Marze que tocha lo moly, I chami entremy, et lez terras ho Robaus de Charnay.

Item desus lo chami p[ar] l'om vet a Chastillon a dues pias de bos que tochon lo chami, et lo chami p[ar] que l'om vet a Charenay que sont a servis.

Item il y a una outra pia de bos que tocha lo dit chami p[ar] l'om vet d'Aly a Charnay, et toche loz pras de la Comba d'Aly que vacet et fut vendua una fes a Champinhot de Charnay, et s'apella en lez Varenhas.

Item sont li pras de la Comba d'Aly deservien d'Aly et tochon lo dit bos de lez Varenas, et bans et emendas vinont ho dit convent.

Item il y a une terra et I petit de bos par desus lo gran chami et toche lo chami par que l'om vet do moli a Chasey, que ez à mons. de Marze.

Item il y ez la terre des Robaus de Charnay et lo bos par dessus q[ue] toche lo chami de Chasey, et par desus cely grans bos a una boina pres do chami, et n'a una outra en tiran ver la comba d'Aly; et par desus selez dues boines ez do convent et y solet aver vignes et ez ho jourduy bos, et lo tranchiet una feis Joh. Guillaume de Charnay a mesprisa p[or] charbonar et puis emendit ho convent I escut, et vaquet le dit bos.

Item il y sont lez vignes hermas do convent d'Aly des tenentiers, et sont ho jourduy en bois, ensi commen vet lo chami que vet do moli a Chasei jusque ho trevo de la Saieta de Marze, et aïnsi commen vet lo chami que vet d'Aly à Charnay, et a una boina ho chami ben pres par que l'om vint de Moransie en Aly, et sela boina mespart lo bos de Fornel, que ez a mons. de Marze, par dever lo mati et lo bos de lez dames que solient estre vignhes, et de cela boina, en tiran ver la bizi jusque ho bos do priour d'Aly par desos, ez tot a les dames et a una chira entremi.

Item par desus lo bos do priour, apres lo chami par que l'om vat a Marci, a una pia de bos que se mot de monseign[eu]r de Marze, que tin I homen de Moransié; et apres cela pia, jusques a una outra pia pres do Bolat, que solet etre a la Borier, que se mot de monseigneur de Marze, entre selez does pies ez a lez dames, et sont lez boines pres do chami par que l'om vat d'Aly a Marci, et tochan lo bos do Fornel que ez a monseigneur de Marze.

Item de l'autra part, dever la bizi, ensi commen vat lo chami de Marci, ez tot a lez dames jusques par desus una pétita gota don vin li aygui do Bolat et s'en intra par lo bos; par desus, ben pres, a une pia de bos que solet etre a la Borier; par desos, dever soleirx cochant, ez tot a les dames, et par desus, en tiran ver lo Bolat, a Grives does pies de bos que se movent de lez dames et lez tin a servis.

Item ensegan par dever la bizi, sur la comba que tin lo gros Pieros de Marc de monseigneur de Marze, ha de bos entre dos chamis que vinont de lez Ayes en tiran a Marzi, que vacont et sont do servis de lez dames.

Item aimssi commen vet lo chami vieux par que l'om solet alar a Villafrancha jusque ho chami que vat de Banols h'Ansa, en tiran ver la bisi par dever lo ser, ez tout a les dames.